

義烏縣志

卷卷
十五
十六

義烏縣志卷十五

人物

政事

士人本經術爲治術處爲良吏此明體達
用之學也故儒林後次以政事舊志所列如許復道
朱叔麒之僅叙官階童一賢之不登志節旣於體例
有乖至如虞復應列儒林楊璇季奕聲應列武功許
復道朱叔麒劉繼庠應歸科目位置亦多未協今爲
量宜別入而補以本通志之楊扶并新增王可宗陳
仁馮敬玉數人雖爵有崇卑任有久暫皆能循分宣

猷卓有可紀爲昔之當官者著其實爲後之入官者
正其趣也志政事

漢

楊扶字聖儀爲武源令遷交趾刺史所至皆有恩惠州

人爲之謠曰楊聖儀政多奇

舊見辟薦今
依通志補傳

駱俊字孝遠舉孝廉補尚書郎擢拜陳留相值袁術僭

號群盜竝起俊厲威武保疆境賊不敢犯濟養百姓

歲獲豐稔時鄰郡荒歉移食者衆俊傾貲賑贍賴以

全活有育子者厚致米肉所生子多以駱爲名後術

衆饑求糧俊拒絕術怒密使殺之

南齊

朱幼字長明其先魯人漢朱雲之後避亂過江曾祖汎

字孝祥晉永興中任臨海太守秩滿徙義烏蒲墟村

寢成大族後

朱女適王親迎之日
兩族車紅輝映溪岸

因名蒲墟曰赤岸

既又改
為丹溪

幼歷高辛平昌淮陽三郡太守遷揚州刺史

兼度支使治揚有功人歌曰朱幼護江東人安盜賊

空

宋

樓圖南字鵬舉其裔本自婁幼瑜宋初有名瑤者以文

行起家任諫職益其姓從木為樓圖南生而警敏稍

長安通百家言習功令

古志云少遊京師補太學生

舉紹興壬子

進士與上甲張九成交相重渡江後邑人遡登第者推圖南爲首時相廉知其材欲召致一見遂巡謝弗往久之始獲選得韶州主簿韶故當閩廣交號萑苻淵藪奉檄提輕兵芟蕪之務從釋弗問賊盡解散一境以寧頃之報金齊并力入寇圖南疏請願得一當邊疆剪滅此而朝食然後徐擣黃龍以洗積世之宿恥當事者坐以侵官奪職居數歲補臨安簿屬秦檜當國彌搯擊感歎不欲出俄而九成輩以非和議遭竄黜復作詩壯其行檜聞之弗善也圖南曰虎怒橫

岡吾得踰伏故廬幸矣丐祠歸紹興二十五年滄死

朝廷起之

古志云累遷
朝議大夫

拜吉州郡守為政淳淳悶悶

務得民和出納錢穀未納無泛比已納無停比間里

稱便撫按官用著為式時大司農告匱議欲括司府

縣藏金圖南毅然爭之曰誠不憚竭澤恐一旦卒有

內難束手無措誰當任責者事竟寢以秩滿念父國

光年老上章乞休至再報可任吉數年吏民信愛立

祠尸祝之乾道中復受知壽皇有祥符開國之勅

古志

封祥符縣開國男食采邑三百戶府志作遷大理司直

并推榮二親

古志云贈中奉大夫

稱異數焉

黃夢炎字子暘文獻公潛曾祖先由浦江徙義烏族父

畊字子野以太學上舍生登進士第官止郡丞夢炎

博學工文辭擢淳祐十年進士第關陞入京湖制幕

以掌故準備差遣平反盜公庫銀寃獄得釋者數十

百人入淮西

宋集作東

制幕主管機宜文字建議請蠲放

屯田租四千七百餘石邊民賴以安集出判平江府

擢節浮費錢十七萬緡代民輸租白免淮西總領累

歲所索無名錢民力以甦咸淳間除司農丞

宋集作行太常

丞輪對陳時弊請減浮費乞戒宴私度宗嘉納除樞

密院編修官兼權戶部左曹郎官與時宰不合引年

以朝散大夫致仕扁所居堂曰桂隱室曰澹齋有詩

文雜稿十卷筆記一卷

元

傅光龍字子才初與兄子暘皆宋太學生景定甲子詔

求直言偕同舍葉李等上書斥賈似道之奸李竄瘴

地光龍兄弟遁跡歸隱青巖之梅溪世祖取江南李

應詔入中書為右丞光龍兄弟館其門兩典郡學三

佐民社皆有政聲光龍終侯官簿

舊本古志

孟祥字廷瑞別號麟山

先世亞聖鄒國裔度自充徙洛四傳至公隨徙汴梁又四傳載

居諸暨夫槩里又四傳欽祖居處州新街又五傳為祥距鄒國六十六世矣少從陶公安學年十二隨父

卷之五

五

政事

四

克肖展祠墓於夫槩經義烏塗遇安撫李某愛之屬
旋日過城內平橋李所居也逾旬謁李留數日臨別
以長女許祥越五年就贅至大間舉孝廉仕寶慶路判官蠲除苛

細其賦民授之匭令自投訟準於情自服雖蒲不鞭

也政暇集雋彥揚抗風雅有先賢遺風以父訃解綬

去去任之日民遮道號泣送以萬計建遺愛祠服闋過烏

探李公公為買阜通坊故家址構宅居焉亦猶
文清徐氏自暨來龍陂云傳編修藻為之傳

傅燦字允明學於黃潛至正戊子以明經徵至京留書

丞相府中授兵部主事轉戶部郎中辛卯出知徐州

嘗曰與民興一利不若除一害豐沛間俗悍尚詐廉

得豪有力者數人斃之杖下投屍小浮橋州人股栗

盜起洪口率卒百餘疾趨之成擒境內帖然後贈奉

議大夫

明

朱文

譜作敏

字悅道晉汎之後世居丹溪從王禕遊學贍

才博性剛行方少許可洪武六年舉明經除監察御

史以事改知星子縣廉介自持勸農興學奏縣山高

風冷春意來遲上可其奏罷茶貢人懷其惠後陞贛

州府同知有惠政民立祠祀之

王可宗字叔誠號雲林穎悟力學洪武二十三年以明

經薦授江西南康府都昌主簿捐俸重修鼓樓倡修

學宮增置祭器凡八載政聲藉藉時與上官忤奏改
滇之白鹽井提舉司副永樂七年授承事郎知山陰
縣事縣之東南瀕海歲患潮汐鳩民築石塘刻日而
成八年秋又以征非土產奏免秋糧折收絹疋明年
軍衛以海運糧船損腐移文索欲再造詣驗其堅緻
不欲勞民又奏罷之

舊見
選舉

高信字克信自少好學喜吟咏見義必爲與胡璉胡讓
同饋太祖軍餉洪武十三年應求賢詔授戶部郎中
居官勤謹有守陳言立事多稱旨特陞本部侍郎晉
尚書十七年以年老致仕卒於家

胡禧字德宏讓姪以茂異升事太祖建文卽位黜爲民
永樂元年召知衛輝府明年正月以老致仕七年上
巡狩北京詔天下致仕官皆掌印於各府州縣以年
高歷練也禧年逾七十掌常州府印臨四邑惟敬以
持己和以處衆九年解組歸闔郡寮屬與士夫耆民
皆追餞於城東旌蓋擁道無錫訓導盧立魁贈以詩
有白首歸田閒更樂丹心報國老猶堅之句

龔永吉字天民忠節公泰子泰死靖難節時方四歲母
傅氏矢節訓育成童卽嗜學以春秋領永樂庚子鄉
試卒業太學授兵部職方主事護駕征樂安調軍湖

廣措置得宜正統改元陞武選郎中被誣謫戍平涼

丁巳北敵猖獗以兵部尙書王驥薦得釋同都督趙

安北征功成復職甲子隨驥南討麓川緬甸西巡延

綏寧夏甘肅等處己巳復從驥往麓川征勦苗蠻凡兩

討麓川五征川
已再伐苗蠻擢大理少卿兵部侍郎改南京禮部

轉大理寺卿致仕先是有滯獄休寧土豪孫志靖與

親人兪益謀殺細民項士和奪其妻事覺賄執獄者

謀脫其罪經十餘年不決一日都察院蕭維禎押送

詳審永吉疑之晚過太平堤忽隻鵝來止輿下揮之

不去永吉謂鵝曰爾豈有冤欲鳴耶可隨我至門及

至而鵝不見永吉曰此非士和之寃耶蓋鵝與和音
相協次日閱卷遂駁回維禎是之差御史畢亨往勘
其實果志靖主謀益殺之二人遂服罪楊子江有賊
劉千金以販鹽爲名遇者卽殺之劫其財當道不能
制一日獲其從者鞫問間誣指其南市買賣有仇者

百餘人迫於刑悉強服永吉詳得實疏陳其寃俱獲
釋平生清介慎密謀慮深遠屢禠征伐囊無所畜宜

廟製秋水圖并詩賜之

詩曰萬頃烟波渺渺數行旅
雁飛飛沙嘴黃蘆歸棹渡頭

紅葉
斜暉

少師楊士奇志其末居家好吟咏食貧澹然自

適人皆服其清節年七十三卒賜葬祭如例

朱肇字本初幼聰敏比長博通經史尤善古文辭洪武
己卯鄉試入胄監永樂元年選戶科給事中以奏對
敏達稱旨奉命持節江南撫安軍民經畫有方黜貪
去弊民誦之如神明立朝敢言嘗以論事忤都御史
陳瑛中以他事當坐死已得白左遷湖廣宣尉教授
用知府唐岳薦陞長沙府同知政化大行宣德初解
任歸杜門著書有撫安泮池稿若干卷

楊宏字德宏以楷書拔萃授江西宜春知縣縣故多豪
右橫暴有蕭舍兄弟尤無狀德宏按治之境內帖服
巡撫楊某課其政爲一省最都御史韓雍素知宏名

未下車微行伺其官廨見德宏躬藝蔬圃妻孥紡織
歎曰真古廉吏也交薦於朝六年考績銓曹見有諂
謁權貴者曰榮辱何爲哉乞休歸家居貧甚民思之
不泯

陳仁字良貴宏治時以禮經應貢入胄監授湖廣鄱縣
令蒞任首建儒學具祭器擢選俊彥四十餘員俗尙
佛老蠹民財痛排之凡冠婚喪祭俾遵家禮邑例僉
府斗級三名名費金約三百兩每傾竭家業兩申巡
撫各憲得免其二歷政初適修王府第每季役民夫
五百四十名而監工內史又苛刻多流竄者爲懇申

每班頓減三百五十八名歲省工值三千一百餘兩
他如清理隱役田糧一千七百石有奇而逃移復歸
勸富民措穀二萬餘石而凶荒有備邑人頌德聲聞
嘗道都御史沈閻二公以廉能薦力以疾辭解組歸
士民擁道不忍舍去爲建令尹祠於儒學東廡之南
置田祀之經筵國史官曾彥刑部郎中陳廷璉爲之

記舊見
選舉

謝愷字舜卿性溫雅由貢入監任四川叙州府推官操
履清潔訊鞠明允宏治戊申蜀大歉奉勅賑恤兼理
瀘州等處多所全活時盜賊縱橫招來安集民大感